

# «Cool and clean» vegn francà en il Grischun

■ (cc) Dapi il 1. d'october 2013 lavura **Andrea Niklaus** en il Grischun sco ambassadura chantunala per il program da prevenziun en il sport «cool and clean». La finamira da l'ambassadura è quella da motivar uniuns e federaziuns da sport da sa participar a «cool and clean». Ultra da quai sa drizza ella ad organisaturas ed organisatur d'occurrènz da sport ed a gestiunarias e gestiunaris da stabiliments da sport. Ils messadis centrals dal program duain vegnir rendids enconuschents en il sport grischun. «Cool and clean» è il program da prevenziun en il sport svizzer che s'engascha per in sport correct e net. Il messadi da «cool and clean» sa basa sin tschintg empermisschuns (uschenumnads commitments), a las qualas las participantas ed ils participants s'obligheschan. «Cool» vul dir: «Jau vi cuntanscher mias finamiras» e «Jau ma deport correctamain». «Clean» stat per «Jau fatsch mias prestaziuns senza doping» e «Jau renunziel a tubac ed a cannabis e sche jau baiv alcohol, fatsch jau quai cun responsabladad». Vitiers vegn la tschintgavla empermischun che vegn fixada individualmain da las squardas. Tut las tschintg reglas da cumporment furman il rom per preschentaiziuns, per lavuratori e per il sustegn ch'il program porscha a las acturas ed als acturs da sport. L'ambassadura dal program *Andrea Niklaus* lavura ultra da quai tar Grischun Sport en la furmaziun dal cader da Giuventetgna e sport (G+S). La cumbinaziun cun G+S pussibilescha da profitar da sinergias en la tgira da contacts. Il medem mument pon las valurs da «cool and clean» vegnir colliadas en moda ideala cun G+S ed integradas en la

scolaziun da manadras e da manaders da G+S.

## Differentas furmas da sustegn

Dal program da prevenziun profite-schan actualmain pir 39 da var 700 uniuns da sport e differents champs en il chantun Grischun. Ussa duain s'annunziar dapli uniuns e federaziuns per gidar a purtar la filosofia da «cool and clean». Sustegnidas vegnan ellas cun material didactic sco sets da gieus, videos e brochuras d'infurmaziun ch'èn adattadas per giuvenils sco er tras la cussegliaziun da l'ambassadura chantunala. Sch'ina uniu sa decida da sa participar survegn ella divers meds auxiliars

e documents per realisar las acziuns da prevenziun. Tgi che annunzia sia squadra u sia uniu ultra da quai per la concorrenza «Sport senza fim» po gudar in premi da fin 5000 francs.

## Occurrènz da sport e stabiliments da sport senza fim

Ultra da las manadras e dals manaders da sport en las uniuns ed en las federaziuns tutgan er organisaturas ed organisatur d'occurrènz da sport sco er gestiunarias e gestiunaris da stabiliments da sport tar la grupp en mira dal program. Cun lur engaschament gidan ellas ed els a realisar occurrènz e stabiliments senza fim ed ad observar las disposiziuns per la pro-

tecciun da la giuventetgna da l'alcohol e mussan ch'ellas ed els vulan in sport correct e net. Tar la realisaziun da las mesiras vegnan er ellas ed els sustegnids cun material d'infurmaziun e cun cussegliaziuns.

Il program «cool and clean» vegn purtà da Swiss olympic, da l'Uffizi federal da sport e da l'Uffizi federal da sanadad publica e finanzià dal fond per la prevenziun dal tubachissem.

Ulteriuras infurmaziuns vegnan purschidas sut [www.coolandclean.ch](http://www.coolandclean.ch) e [www.gr.ch/uffizi](http://www.gr.ch/uffizi) per la scola populara ed il sport / link. Annunziat pon vegnir fatgas sut [www.coolandclean.ch](http://www.coolandclean.ch)



**Andrea Niklaus,** ambassadura dal program «cool and clean».